



Resolución da Dirección Territorial da Consellería do Mar na Coruña pola que se comunica o emprego da lista aberta para o incremento do número de cotas de captura para as embarcacións incluídas no plan de xestión do recurso específico POLIQUETOS, modalidade mergullo en apnea e con subministro de aire dende superficie, da Confraría de Pescadores de Muros.

Antecedentes

1. A Orde do 19 de decembro de 2024 aprobou os plans de xestión para recursos específicos e algas en Galicia para o trienio 2025-2027. (DOG Núm. 251, de 31.12.2024).

De conformidade co expediente de aprobación do Plan de xestión para o recurso específico Poliquetos (PE410A 2024/63-1), modalidade mergullo en apnea e con subministro de aire dende superficie, da Confraría de Pescadores de Muros, establécese como número máximo de participantes para o trienio o de dúas (2) embarcacións e 5 mergulladores habilitados.

Na actualidade o número de embarcacións con poliquetos no permiso de explotación autorizadas para participar no plan é de dúas (2) embarcacións e 4 habilitacións.

2. O 25.03.2025 a Xefatura Comarcal de Ribeira comunicou a proposta á Confraría de Pescadores de Muros, como entidade titular do plan, para proceder á creación dunha lista aberta para o incremento do número de cotas de captura para as embarcacións incluídas no plan de xestión e ofertar as cotas de captura vacantes, ata acadar o número máximo de participantes aprobado, de acordo coa orde de prelación que ocupen as embarcación na dita lista.

3. O 01.04.2025 esta dirección territorial ditou a resolución pola que se abriu o prazo de presentación de solicitudes para a elaboración da lista aberta para o incremento do número de cotas de captura para as embarcacións incluídas no plan de xestión

4. A elaboración da lista rematou o 31.05.2025 mediante a Resolución desta dirección territorial pola que se fixo pública a lista aberta para o incremento do número de cotas de captura para as embarcacións incluídas no Plan de xestión do recurso específico Poliquetos, modalidade mergullo en apnea e con subministro de aire dende superficie, da Confraría de Pescadores de Muros.





Consideracións legais e técnicas

1. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, establece nos artigos 39 a 46 o procedemento para o incremento do número de cotas de captura para as embarcacións incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1.

2. A Resolución do 31.05.2025 desta dirección territorial aprobou a lista aberta para o incremento do número de cotas de captura para as embarcacións incluídas no plan de xestión.

3. A solicitude de inclusión na lista valorouse de acordo co baremo aprobado por Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro.

4. Na actualidade o número cotas existentes e de 4 en 2 embarcacións, cando o número de cotas máximo establecido no plan de xestión do recurso e de 5 en 2 embarcacións.

Polo tanto, emprégase a lista elaborada para ofertar unha (1) cota dispoñible á embarcación integrante da lista aberta para o incremento do número de cotas de captura para as embarcacións incluídas no plan de xestión.

5. No artigo 46 da Orde do 30 de decembro de 2015, regúlase o emprego das listas, as ofertas das cotas e as causas de exclusión das ditas listas, indicando que as persoas que non acepten os incrementos ofertados durante dúas (2) veces consecutivas sen causa xustificada non recibirán unha nova oferta durante un prazo de doce (12) meses.

6. No caso de renunciar aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezoito (18) meses, podendo solicitar de novo a súa inscrición unha vez transcorrido o dito prazo.

7. A Resolución do 04.05.2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro, indica no seu anexo I:

- No apartado A.3 que con carácter xeral, para o incremento, o número de cotas asignadas ás embarcacións estará en función das persoas que teñan enroladas, á





vista do rol de despachos actualizado da embarcación coa dotación da tripulación enrolada nela e das certificacións profesionais de cada unha delas e considerarase que o rol de despachos está actualizado á data en que a dirección territorial comunique o emprego da lista para o incremento de cotas nas embarcacións.

- No apartado A.4 que o outorgamento de prazas quedará limitado ao número máximo de tripulantes autorizado/as pola Administración marítima.

8. Este departamento territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior, esta dirección territorial

RESOLVE:

1. Comunicar á persoa armadora da embarcación integrante da lista aberta vixente para o incremento do número de cotas de captura para as embarcacións incluídas no Plan de xestión do recurso específico POLIQUETOS (PE410A 2024/63-1), modalidade mergullo en apnea e con subministro de aire dende superficie, da Confraría de Pescadores de Muros.

2. Ofertar unha (1) cota vacante á embarcación A VIDALA UN , tendo en conta o número de cotas actuais coas que conta, o máximo de tripulantes que consta no certificado de conformidade e o límite de 3 habilitacións por embarcación que fixa o plan de xestión.

Confraría	Embarcación	Matrícula	Folio	Cotas actuais	Nº máximo tripulantes (certificado conformidade)	Cotas ofertadas
Muros	A VIDALA UN	CO-6	4-22	2	3	1

3. A adxudicación das cotas ofertadas dependerá das persoas que teñan enroladas á vista do rol de despachos da embarcación coa dotación da tripulación enrolada nela e das certificacións profesionais. Para a comprobación disto a persoa armadora da embarcación seleccionada disporá dun prazo de quince (15) días hábiles contados desde o día seguinte ao da publicación desta resolución para presentar a seguinte documentación:

- a) Escrito debidamente asinado no que se indique a aceptación da cota ofertada e identificando ao tripulante enrolado que conta coa certificación profesional correspondente.
- b) Rol de despachos actualizado da embarcación coa dotación de tripulación enrolada nela.

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal





- c) Certificación profesional que corresponda ás persoas tripulantes enroladas, agás as expedidas pola Consellería do Mar, de ser o caso. A autorización expresa para a consulta destes datos realizarase empregando o anexo X da Orde do 30 de decembro de 2015.
- d) Xustificante de ter aboada a taxa correspondente para a expedición do novo permiso de explotación onde quedará reflectido o novo número de cotas.

O artigo 14.2 da lei 39/2015, do 1 de outubro, do procedemento administrativo común das Administracións Públicas, establece a obriga de relacionarse electrónicamente coas Administracións Públicas a, entre outros, ás persoas xurídicas e as entidades sen personalidade xurídica e o artigo 10 da Lei 4/2019, do 17 de xullo, de administración dixital de Galicia, establece a obrigatoriedade para as persoas traballadoras autónomas de relacionarse a través de medios electrónicos no ámbito do sector público autonómico para os trámites e as actuacións que realicen no exercicio da súa actividade profesional. Por tanto, as solicitudes e a documentación indicada, deberán presentarse por vía electrónica a través do formulario normalizado PX006A (achega de documentación adicional) dispoñible na sede electrónica da Xunta de Galicia (<https://sede.xunta.gal>), dentro do procedemento aberto PE401M. Para a presentación da documentación será necesario identificarse electrónicamente mediante calquera dos sistemas de identificación e sinatura admitidos pola sede da Xunta de Galicia.

Se o armador dentro do prazo fixado non presentase a documentación ou do exame dela se deducise que carece dalgún dos requisitos sinalados na base 1.2 da convocatoria, entenderase que non acepta a oferta do incremento de cotas por desistencia.

De acordo co disposto no Decreto 425/1993, do 17 de decembro e a Orde do 30 de decembro de 2015, a embarcación seleccionada que presentase a documentación dentro do prazo establecido deberá cumprir ademais cos seguintes requisitos para a obtención do incremento das cotas asignadas :

- a) Non ter sancións firmes en vía executiva en materia de protección de recursos mariños, pendentes de pagamento.
- b) Que a persoa tripulante esté en posesión do certificado profesional correspondente.
- c) A persoa armadora da embarcación non poderá ser titular dun permiso de explotación a pé para recursos específicos, debendo renunciar a este.

Se a persoa armadora non acepta o incremento ofertado durante dúas (2) veces consecutivas sen causa xustificada non recibirá unha nova oferta durante un prazo de doce (12) meses. No caso de renunciar aos incrementos ofertados durante tres (3) veces consecutivas sen causa xustificada, perderán os seus dereitos e a embarcación quedará excluída da lista por un período de dezoito (18) meses, podendo solicitar de novo a súa inscrición unha vez transcorrido o dito prazo.





Contra esta resolución, que non pon fin á vía administrativa, as persoas interesadas poderán interpoñer recurso de alzada ante o Conselleiro do Mar no prazo dun (1) mes contado a partir do día seguinte ao da publicación, de acordo co establecido nos artigos 30, 121 e 122 da Lei 39/2015 de 1 de outubro, do procedemento administrativo común das administracións públicas.

Esta resolución publicarase no taboleiro de anuncios do Departamento Territorial de A Coruña e na páxina web <http://mar.xunta.gal>. A resolución tamén se exporá, con carácter informativo, nos taboleiros de anuncios da Xefatura Comarcal de Ribeira da Consellería do Mar e da Confraría de Pescadores de Muros.

Esta resolución notifícaselle á Confraría de Pescadores de Muros como entidade do plan de xestión, consonte ao artigo 40 e seguintes da Lei 39/2015, de 1 de outubro.

A directora territorial
P.A. (Resolución do 13 de maio de 2024)
O xefe de Servizo de Desenvolvemento Pesqueiro
Miguel Gómez Losada
(asinado dixitalmente)



ANEXO I

LISTA ABERTA PARA O INCREMENTO DE COTAS DE CAPTURA PARA AS EMBARCACIÓNS INCLUÍDAS NO PLAN DE XESTIÓN DO RECURSO ESPECÍFICO DE POLIQUETOS DA CONFRARIA DE MUROS

Embarcación	Matrícula	Folio	Embarcación cunha soa cota de captura	Experiencia profesional armador	Habitualidade da actividade pesqueira	Total
			C.1	C.2	C.3	
A VIDALA UN	CO-6	4-22	0,00	0,00	1,00	1,00

Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro).

A directora territorial. P.A. (Resolución do 13 de maio de 2024) O xefe do Servizo de Desenvolvemento Pesqueiro

- TOTAL:** puntos acadados en total.
 - C.1: Embarcacións que só teñen unha cota de captura no plan de xestión: 5 puntos.**
 - C.2: Experiencia profesional no sector da persoa armadora da embarcación**
Terase en conta que a persoa armadora estivese enrolada como mergulladora en embarcacións que contan coa modalidade nos 2 anos anteriores á data da convocatoria: 0,2 puntos/mes completo. Non se puntuarán os méritos de formación e experiencia profesional cando a persoa ou algunha das persoas seleccionadas sexan armadoras ou propietarias doutras embarcacións que xa posúan as modalidades de marisqueo de vara ou de recursos específicos no seu permiso de explotación.

A puntuación máxima total que se poderá obter nesta epígrafe será de 4 puntos.
- C.3: Habitualidade da actividade pesqueira**
 - Se a embarcación acredita ter realizado actividade extractiva entre 15-35 % dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.
 - Se a embarcación acredita ter realizado actividade extractiva entre 35,01-60 % dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.
 - Se a embarcación acredita ter realizado actividade extractiva superior a un 60,01 % dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos.
 - Para as embarcacións que solicitan a inscrición na lista, una vez confeccionada, entenderase o ano natural inmediatamente anterior á data de entrada da súa solicitude no Rexistro electrónico da Xunta de Galicia.
A puntuación máxima total que se poderá obter nesta epígrafe será de 3 puntos.

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal





XUNTA
DE GALICIA

CONSELLERÍA
DO MAR

Departamento Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
departamentoterritorial.mar.coruna@xunta.gal

